

Le lucciàtterre

Nen gne la facitte a repertà
'ste cianche dentre case.

Avveléte e redótte come 'na cence de lume pe' la fatéje,
m'ajaccitte sótte a 'na piante de jéve.

La sere jère scóre
come la fieme de lu cammé
sóle cacche stelle de su 'ncile facì cici.

Jé, sóle a mmenze a tutte 'lla pace,
me jère quasce appennecate,
quanne dentre a nu mumente
nen creditte a j'ucchie mì:
nu vranghe de lecette
me se jère avvecenate.

"Le lucciàtterre!", grullitte fra me e me.
Me ggerì tutte torne torne
pe' nen qua e pe' nen llà
come se se velesse fà 'ccarezza.
Lu 'ppécce e smóre culerate
jère come 'na museche de 'na bbelle serenate:
la sinte, la vede, ma nen te n'accurie che t'à 'ncantate.

Sùbbete me remenette 'mmente
quanne jère freché
e ì 'ncumencitte a cantà cuscì:
"Lucciàtterre, lucciàtterre
menéte jecche a me,

ve dinghe lu pà da re,
ve dinghe lu pà de reggéne,
lucciàtterre pellegréne".

Più de une s'appèsette
sópre a le jenocchie
come pe' démme: "Durme secóre
stanotte nen t'avvelé, n'avè paure.
Noje sceme j angele de Ddéje,
perteme la luce 'ndove jè scóre
pe' fà curagge a tutte chéje comma a te
che nen gnè secóre".

'Na sperelle de sole la maténe m'à resbejate
nen gn'ere più jeie, jère n'atre!